

Na osnovu člana 11. Zakona o koncesijama Zeničko-dobojskog kantona (“Službene novine Zeničko-dobojskog kantona”, broj 5/03) i člana 16. stav 2 Zakona o Vladi Zeničko-dobojskog kantona, (“Službene novine Zeničko-dobojskog kantona”, broj 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 136. sjednici održanoj dana 21.11.2013. godine, d o n o s i

## **ODLUKU**

### **o dodjeli koncesije za projektovanje, izgradnju, korištenje i prijenos MHE „PEPELARI“ na Pepelarskoj rijeci, na području općina Zenica i Žepče**

#### **Član 1.**

##### **(Predmet)**

Privrednom društvu “EMY” d.o.o. Zenica (u daljem tekstu Koncesionar) dodjeljuje se koncesija za izgradnju male hidroelektrane (u daljem tekstu: MHE) “Pepelari“ instalisane snage 448 kW, na parcelama označenim kao k.č. 922, 923 i 924 u K.O. Pepelari, općina Zenica i k.č. 469/28, 546/1, 546/2, 489 i 925/1 u K.O. Mračaj, općina Žepče.

#### **Član 2.**

##### **(Način dodjele)**

Koncesija se dodjeljuje za izgradnju MHE prema D.B.O. modelu (Projektuj, Izgradi, Upravljaj), a uključuje izradu projektne dokumentacije, finansiranje svih nabavki i nadoknada koje se tiču izgradnje MHE, prikupljanje i realizaciju obaveza prema izdatim dozvolama i sporazumima, izgradnju MHE sa odgovarajućim objektima, probni rad i komercijalni rad tokom perioda koncesije. Početak komercijalnog pogona treba biti najkasnije u roku od 3 mjeseca od izdavanja odobrenja za upotrebu objekta.

#### **Član 3.**

##### **(Vrijeme trajanja koncesije)**

Koncesija za izgradnju MHE po ovoj Odluci dodjeljuje se na vrijeme od 30 (slovima: trideset) godina, računajući početak koncesije od dana početka korištenja koncesije, odnosno početka proizvodnje električne energije, ali ne duže od roka iz člana 2. ove Odluke.

#### **Član 4.**

##### **(Plaćanje tekuće koncesione naknade)**

Koncesionar je dužan da plaća naknadu za korištenje koncesije po ovoj Odluci u visini, na način i po postupku i rokovima koji će se utvrditi Ugovorom o koncesiji. Za vrijeme trajanja koncesije korisnik koncesije je obavezan da plaća tekuću koncesionu naknadu u visini od 5 %, od ukupnog prihoda od proizvedene električne energije.

#### **Član 5.**

##### **(Raspodjela koncesione naknade)**

Naknada iz prethodnog člana predstavlja prihod Zeničko-dobojskog kantona i općine Zenica u omjeru koji je određen Odlukom Vlade Zeničko-dobojskog kantona o načinu rasporeda i korištenju finansijskih sredstava prikupljenih po osnovu koncesionih naknada na ime mineralnih resursa (“Službene novine Zeničko-dobojskog kantona”, broj: 4/01).

## **Član 6.**

### **(Posebna vodna naknada)**

Plaćanje naknade za korištenje koncesije za MHE ne isključuje obavezu Koncesionara da plaća posebnu vodnu naknadu za korištenje voda u skladu sa Zakonom o vodama.

## **Član 7.**

### **(Zaključivanje ugovora o koncesiji)**

Na osnovu ove Odluke Koncesor i Koncesionar zaključiti će Ugovor o koncesiji, kojim će se urediti međusobni odnosi, prava, obaveze i odgovornosti.

Prije potpisivanja ovog Ugovora o koncesiji Koncesionar je dužan uplatiti jednokratnu koncesionu naknadu u iznosu od 30.000,00 KM.

Naknada iz stava 2. ovog člana predstavlja prihod Zeničko-dobojskog kantona.

Koncesionar je dužan prije potpisivanja Ugovora o koncesiji, a najkasnije u roku od dvije godine od donošenja ove Odluke, obezbijediti odobrenje za građenje objekata u funkciji korištenja predmeta koncesije.

## **Član 8.**

### **(Stupanje na snagu odluke o dodjeli koncesije)**

Ova odluka stupa na snagu danom donošenja i biće objavljena u „Službenim novinama Zeničko-dobojskog kantona“.

Broj: 02-\_\_\_\_\_ /13.

Datum, 21.11.2013. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo za prosotno uređenje, promet i komunikacije i zaštitu okoline,

1x Privredno društvo "EMY" d.o.o. Zenica, (putem ministarstva),

1x Ministarstvo finansija,

1x Službene novine Zeničko-dobojskog kantona,

1x a/a.